

任縣志卷之七

知縣季 芷介菴重修

人物

聞燕趙之墟尚慷慨節俠當春秋戰國以及南
北朝縱橫才謂之士聯袂而起今志所載何寥
寥也豈山川悵此間氣歟抑有之而失其傳歟
然士之有才德猶草之有芝蘭也使蹴足而得
芝蘭焉則芝蘭弗貴矣志人物

任縣志

卷之七

一

三代秦漢無考

南北朝 魏

游雅字伯度少好學有奇才世祖時與高允等俱
知名徵拜中書博士東宮官內侍長遷著作郎
累遷至太子少傅進爵爲侯出爲雍州刺史假
梁郡公在任廉明多惠政祀鄉賢

游明根字志廣世宗擢爲中書學士性真慎寡慾
綜習經典恭宗監國爲主書高祖踐祚遷都曹
中書賜爵安樂男顯宗初出爲東青州刺史改

爵新泰侯爲政清平新民樂附年七十表求致仕大蒙高祖優禮以爲五更行禮辟雍累被厚賜年八十一卒于家世宗遣使弔祭賻錢十萬絹三百疋布二百疋贈光祿大夫如金章紫綬諡靖侯歷官五十餘年處身仁厚接物禮讓時論貴之生二子肇祥祀鄉賢

游肇字伯始明根子以中書學生歷官至尚書右僕射卒年六十九詔給東園秘噐朝服一襲贈帛七萬疋肅宗爲之舉哀朝堂贈使持節散騎

任縣志

卷之七

二

常侍驃騎大將軍儀同三司冀州刺史諡曰貞祀鄉賢

游祥字宗良明根次子頗有學歷秘書郎襲封新泰伯歷封至高邑縣開國侯食邑七百戶卒贈征將軍給事黃門侍郎幽州刺史諡曰文祀

鄉賢

舊志曰史稱游雅才華高允之亞明根朝之舊德國之老成二公並著于時然游雅絕世莫祀明根之後如肇祥皓矯馥相繼貴顯爲仕巨族何哉蓋游雅陷族陳竒才優于德明根處身厚德優于才

有由然矣

唐無考

宋

游 酢

按廣輿記及姓氏譜皆稱酢為閩之建陽人鑿
鑿可據不知當日何所見牽入志中豈遙遙華
胃定夫昔年即與明
根通譜耶今姑存之

元無考

明

馮義少有志搦洪武時由鄉貢授給事中犯顏敢
諫帝甚重之歷陞四川按察使以報國為心未

任縣志

卷之七

三

嘗為家計當時莫不仰其清節云祀鄉賢

韓翼砥礪搯行以明經舉鄉進士永樂間任主事

時河決為患漕運艱苦莫有能塞之者翼奉命

至輒塞之以治水有功陞大理寺少卿平獄緩

刑有無冤之稱歷朝四十年憂國愛民始終如

一卒于官祀鄉賢

毛玘字國珍為諸生例應貢兩讓其次者卒登兩

榜先是母久失明玘迎養言舍誠禱干天母目

復明其治蒙陰有積逋不輸玘召逋者諭之寬

其期卒盡輸有犯奸逆者密以金祈脫玘不受
竟正其罪大叅某以均徭役意有所希玘曰殘
下媚上吾不爲也又郡守有子之喪他邑祭賻
甚腆玘獨不致卒以是忤當道解印歸郡守張
繼甚重之孫朮登進士人以爲餘慶云祀鄉賢
李厚字洪載登進士初授偃師令剛明果斷吏畏
民懷時值荒旱勸富賑貧民卒獲濟以政最陞
御史直聲凜然時議雲南犒軍同列憚其行厚
曰爲臣豈可避難耶奮然請行至雲南處置有

任縣志

卷之七

四

方甚得蠻心丁父憂家居守令咸欲爲修宅厚
固却之祀鄉賢

謝旻字仁夫由進士累官至陝西副憲廉謹端方
鎮重愷悌初爲諸生時講明義利崇正學以淑
人心時值流寇猖獗旻首倡大義激勸士民守
城卒賴以安及宰長安政尚平恕時中官劉瑾
煽虐誅求四出民弗堪命旻力却之百姓全活
無筭及代去民立石繪像祀之擢戶曹會計稱
平撫定州礦賊屏迹又置義田註書史惜乎卒

于官未竟其用祀鄉賢

高大經諸生時逸才拔萃下筆成文名噪諸郡及登第同榜咸推重之授歷城令尋以疾卒所著有傳習錄序并詩集傳世祀鄉賢

謝朝用字達夫風節慷慨學行醇雅鄉閭爭師事之諸生多出其門下尤嚴義方之訓子孫相繼成名初判德州政尚平恕勸農儲穀植柳萬株於漕河兩岸以蔭行人抵二載卽致仕歸民遮道留之祀鄉賢

任縣志

卷之七

五

陳松字秀夫爲人剛明清慎歷任太原濟寧至瀋府審理所在剖決疑獄廉能有聲屢爲當道獎勵歷十四載引年致仕王婉留弗從賜錢幣爲祖宴手書詩章褒美之其居家醇朴篤寔人稱爲古君子云祀鄉賢

謝謙任教授博通經史九試秋闈以次貢陳讓家貧讓之敦尚風化力持雅道歷仕二十載以引年歸

謝洙副使旻之子也任永州通判志行超卓蘊藉

不羣建書院修橋梁歲饑則行糜平居唯杜門
誦讀而已

杜允恭任訓導好睦宗族囊無餘資比官歸遇歲
饑捐二百金與弟姪二人共分之人以爲有二
疏之風

謝冲任長冶丞敦尚雅儉不事浮華事父母睦宗
族處鄉黨咸有可稱置義塚以葬無力者居官
無玷佐治有爲以母憂哀毀成疾卒

李景萃由進士累官至叅政文章政事卓有可稱

任縣志

卷之七

六

詩賦才華擅名列郡去官之日浙人勒碑頌之
王翰奇字英夫號亭涯由歲進士授濱州司馬却
陋規均徭役攝新城篆安輯流離陞雲南鹽課
提舉平土府阿堂及叛臣王一新其功之最著
者屢奉褒異擢遼東安樂州整肅軍衛撫綏士
民遼左咸稱之祀鄉賢

趙文炳字爲光以孝廉初授新城令邑多右族尚
奢侈炳裁之以禮率之以儉暇卽課農桑問疾
苦丁內艱補垣曲縣其治一如新城擢侍御史

拜命之日卽䟽劾相臣時論偉之奉命按楚奏
緩木綱之役驄馬所至墨吏多望風解綬去再
命按晉首䟽劾中使殃民八事有大奸倚藩爲
虐賄奪皇場有司莫敢問炳下檄親丈之積弊
一清又嘗集古閹宦誤國者名曰金鑑錄未上
疾作而卒

達其道字潛齋以秋元聯捷累官至副憲督學豫
州旣下車集諸生矢之曰如有納苞苴而遺樸
械上負簡命下負士子者天實鑒之于是抑蹠

任縣志

卷之七

七

進拔孤寒文風爲之一變詔加優擢未竟其用
而卒祀鄉賢

檀光閻字開美髻年補弟子員爲文昌明博大十
七登鄉薦歛飭如處子居喪一遵古禮尤究心
性理及河洛之數嘗讀楊子太玄不得其解以
至廢寢食戊寅清兵克城狗難卒

謝時鳴性孝友樂施與讀書不事章句惟以古人
爲法旣食餼每戒家人作飯以供族人之往來
城邑者或問之曰此君恩也焉敢私嘗遭族中

無賴困辱門人謝九錫將報之時鳴曰此族叔也受之可耳司訓淄川每謂諸生曰詩書是爲聖爲賢榜樣非藉此求富貴也卒于官

國朝

檀莊字惺涵弱冠爲諸生數奇 躋秋闈莊安分自若以鄉進士就教于歙邑故煩劇課士之外諸務填委莊理之案無留牘晉潼關授致政歸待人以誠與物無競然所見既定雖千夫弗能奪也

任縣志

卷之七

八

檀遐祐字都明順治初年以歲進士任真定府學司訓攝晉州篆理冤剔蠹士民德之擢元城諭修廟課士文教聿興

謝豐年時鳴孫也幼聰穎日記數萬言爲文多奇古出人意表旣爲諸生郡侯金之俊甚器重之授以手評墨律邑侯趙時晉延爲弟子師潛心講課未嘗及私事以此益奇之與江南馬君常先生遇于京邸一見卽定交戊寅歲君常南歸道出任邑時初經殘破見豐年廬舍灰燼出俸

十金爲贈豐年謝曰我知明公明公不知我矣
堅却之九躋秋闈考授州司馬未仕而卒

左瓚字敬宸天性仁孝廉謹誨人不倦多成名者
登歲進士非公事不入公門人咸重之

李永昌字茂之號德符幼岐嶷過人及長端凝渾
厚以孝廉授晉之大同未幾丁外艱補浙之淳
安兩邑皆夙號難理昌游刃裕如其治淳尤以
拔薤抱嬰爲事三載當報最以耿介忤當事歸
去之日民臥轍留之迨 國朝定鼎舉遺佚授

繁昌縣時江南初定人懷攜貳昌以靜鎮之卒
獲寧謐丁內艱再補陝之通渭邑爲邊鄙沙磧
地自流寇芟夷逋賦無筭吏茲土者悉突不黔
而投劾去昌獨視如家事茹荼理之三年如一
日竟以課殿鐫級及歸囊橐蕭然杜門不預戶
外事日與知己啣盃三徑而已凡四治劇邑在
在有政聲而皆勿克竟其所用云卒祀鄉賢
駱閑則字順之爲人慷慨尚風節學術醇粹有聲
庠序間以文行誨人以義方教子邑中名士多

出其門下子在中其中皆相繼成名

苗澄字大生性仁孝博洽經史尤精毛詩弱冠補弟子員明末流離關左雖極顛沛猶不廢學

本朝定鼎需才甚亟

世祖親試多士以公才兼文武特置首選由侍衛授

啓心郎章䟽一經披閱輒報可謨譯四書進

覽賜蟒玉鞍馬寵眷獨隆諸從

龍世家子弟咸執經問道相繼出鎮名藩者指不勝

屈尋晉僉都直言侃侃稱眞御史庚子總督河

任縣志

卷之七

又九

務親履河干講求利害遷邳城築遙堤有條陳
兩河奏䟽切中時弊未幾代去旋晉副都節制
瀛海揚清激濁開荒解逃著有勞績山東巨寇
作亂一鼓擒之再補四川總制晉尚書時巴蜀
初定整肅部伍恩威並濟興屯裕餉撫順招携
不遺餘力蜀賴以安方古韋臯張詠云

張文曄爲諸生素性耿介課子之外不問戶外事
無片紙干瀆公庭無一譽致訾鄉曲施地二十
畝以建社學壽登七十有二子士瑚士璘皆遊

庠

王天縱字玉成任常州別駕郡轄五邑最衝煩舟楫如織素多鹽徒出没天縱職司鹺政殫心釐剔夙弊一清商民安之

王字坤若祖父皆業儒蜚聲譽序适獨以武起

剛悍輕生适痛懲之

三月

人誘良家女為妓若

者适廉得其實斷

配良

冠姦其徒不從殺

任縣志

卷之七

十

之反

至立白之有紅石

溝長數十

者言欲塞之軍民將

為變适力

之

安宣民至今誦之不

哀卒贈

勇將

謝鑑字冰壺由貢監初

駕賑饑墾荒安

民撫卒督開茶馬

邊人悅服尋陞

潞安司馬業經

左遷山左藩

司理問鑑才

城後倦于仕

罷政歸興復乃

美盛事焉

姜鈞鰲有文武材崇禎十五年土寇蜂起委授于
總統兵勦之三戰三捷獲賊甚衆尋拔弟子員
首選子雲鳳爲諸生

忠孝

游元明根玄孫少聰敏煬帝嗣位遷尚書度支郎
遼東之役宇文述等九軍敗績帝令元按獄述
時貴倖其子及又尚公主勢傾朝廷遣家僮造
元請屬元不見按愈急仍劾之帝嘉其公正賜
朝服一襲奉使黎陽督運楊元感作逆屢脇以
兵竟不屈害之贈銀青光祿大夫祀鄉賢

霍玉父原先亡嫡母陳氏老而多疾玉廣求醫藥
治之凡飲食必躬自執爨數年不懈既而母脫

任縣志

卷之七

十一

齒不能食求乳以奉之至玉領鄉薦母始歿惜
未仕而卒

霍守忠爲人和易樂善父昇卒以禮殯葬事母備
極甘旨母疾親嘗湯藥朝夕焚香祈以身代比
卒哀毀幾絕廬于墓側晝夜拜泣者三年正德
十六年知縣張瓚具聞 詔旌其門曰孝行

杜宗壽字子靜由上舍除鴻臚寺序班甫一年以
母老乞終養世宗可其奏降玉音褒美之踰九
年母歿復起爲長子丞多惠政百姓稱眞父母

不忍以敲朴催科遂致仕歸當道益重之居家樂善好施鄉人皆稱祭酒云祀鄉賢

陳愿字從志爲諸生博洽蘊藉有大名九試不第事父母愛敬備至父獻先亡母霍氏守節二十餘年愿晨昏定省如一日及歿廬墓側朝夕號泣甘旨不入口者三年喪畢猶不忍去縣令及鄉士大夫敦請之始歸齋前忽生一草色白味香狀如雲識者以爲靈芝嘉靖十五年知縣李仁上其事撫按及兩道共建錫顛坊旌之

賀世祿由縣令累官至長史誠篤恢弘敏練清慎先姓陳及繼父歿復姓迎養生母知府陳白川以孝義旌之

陳易泰學博陳時雨子爲諸生性至孝養生送死曲盡情禮父母歿皆茹素廬墓三年負土築墳悉躬親之朝夕薦享如事生焉知縣徐璘聞于上臺旌之

潘成家貧事母克盡子道遇宴會有新果時蔬如母未嘗弗食也親有怒則和婉以解之釋而後

止直指使者兩旌其孝行焉

牛文科素有膽畧明崇禎十三年知縣盧時升舉
爲練總禦賊有功直指使者題授本府守備十
五年重兵壓境力戰而死

吳盡忠原任山海關都司素以肝膽著閭里間順
治初年土寇猖獗盡忠効力守城乘夜擊敗之
城賴以安順治六年有響賊百餘騎劫掠至臺
南盡忠率衆追至邢家灣單騎突入賊圍馬蹶
爲賊所執欲降之忠陞罵不屈而死

任縣志

卷之七

十三

駱在中字正平年十四補諸生爲人清謹事親克
孝自孩提以至成人未嘗有疾言遽色于父母
之前安貧窮而豐甘旨人皆以養志稱之

樂養重天資樸厚素以孝稱 國初其父一選遇
寇將殺之養重跪請願以身代寇憐其孝而釋
之將析產盡讓之伯仲一無所爭謹愿自守年
邁尚不知城市子玉柱爲諸生

趙光正輕財尚義孝友性成幼年喪父卽知愛慕
每食必薦過墓必哭拜而後去事寡母高氏極

隱逸 缺

義民

胡世榮業農勤儉明天順八年歲饑榮輸粟二百石備賑郡守楊浩嘉其義爲立石

李棟有祖地一十二頃與弟梁均分之後梁盡廢其地棟又以已地益之知縣陳璣知其事舉爲飲廩一日遊郡庠聞號舍有書生苦學往謁出白金以贈生後聯捷詣謝卽都憲朱裳也

張仕科樂善好施貧不能葬者皆給以棺共施棺

任縣志

卷之七

十四

一千七百餘具崇禎間舉爲飲廩輿論咸以爲無愧焉

楊蕘年二十有二而鰥遺一子母諭之再娶蕘曰娶而不良則仰事俯育皆無所恃卒不娶撫其弟芳芬蕘蘭皆爲之畢姻有康泰者嘗遺金蕘拾得之揭于通衢泰認曰吾金也遂還之又有李生枝者負貸穀被訟將就縊蕘救之代償其值其尚義樂施大率類此

隱逸 缺

義民

胡世榮業農勤儉明天順八年歲饑榮輸粟二百石備賑郡守楊浩嘉其義爲立石

李棟有祖地一十二頃與弟梁均分之後梁盡廢其地棟又以已地益之知縣陳璣知其事舉爲飲廩一日遊郡庠聞號舍有書生苦學往謁出白金以贈生後聯捷詣謝卽都憲朱裳也

張仕科樂善好施貧不能葬者皆給以棺共施棺

任縣志

卷之七

十四

一千七百餘具崇禎間舉爲飲廩輿論咸以爲無愧焉

仙釋

寒山拾得俱修煉于縣之東鄉因名其村曰雙蓬頭

其誠敬雖糲食必婉容以進且重修廟寺必
官知任勞而無利心知縣余新鼎季 芷施埏
寶每給扁旌之

梁之貞性 實知孝順衣食必遂父母出外遇先
果必買與父母嘗至於鄰人鄉党不分大小貴
賤皆和睦相親凡族長無不敬奉外父母無子
養而送終所貽房產散於族人凡人有爭則婉
言以解之凡人有難則多方以救之所見廟宇
傾圮神像暴露量力修補無吝可謂內尽孝道

任縣志

卷之七

十四

外行善事者

李文其父生聽講鄉約回向文脩述講孝順父母
一條文聞之無不尽孝所生三子文亦以此言
教之安分守已事事忍讓遠近稱爲善人

列女

世之降也鬢眉男子其烟視媚行影附響承之態比比如巾幗而堅貞義烈之搯多出于閨中良可嘆也今志所載或從容殉節視死如歸或茹荼撫孤始終如一貞魂淑魄千古猶香誰曰婦人女子之不能維風化哉志列女

按舊志列女分節婦慈母二目古無此體至于所紀節婦又多載挽贈對聯錯雜不純今悉去之一歸體制

楊氏韓森妻森故楊撫子驛成立娶霍氏生子棟

任縣志

卷之七

十五

甫匝歲而驛又故霍相與堅守知縣韓濂以雙節聞于朝

郝氏適李節年十九節卒生遺腹子用郝撫之成立爲諸生未幾用又卒止遺一女孫訪績自給邑人賢之

夏氏謝天祿妻年二十七天祿卒遺一子甫二歲甚弱人咸危之夏上事舅姑下撫幼子艱苦萬狀守節五十餘年壽八十有二知縣曾守城旌以慈節子朝用判德州孫四人曾孫數十人皆

貴顯人謂貞節之

馮氏庠生李玹妻每勸夫以勤學上繼續衣公之志玹果有聲于時年二十六而卒止遺一弱女馮親織紉以養姑後嗣孫數人皆顯榮

劉氏生員李縉妻年二十二縉亡一子甫二歲姑年七十餘劉事姑撫幼委曲備至子希孔成立復卒遺孫二劉撫教之一孫桂芳爲諸生

李氏程士聰妻年二十二而寡家甚貧紡績度口踰五十而卒子紹宗孫箴俱成立爲諸生

任縣志

卷之七

十六

謝氏朝用女年十六歸庠生王朝立三年而朝立卒一子始及週謝撫之堅節不逾壽五十餘

袁氏張大用妻年二十三夫卒大用弟利其產欲奪袁志袁堅守不渝壽七十五知縣孫榮先賢而旌之

吳氏李如槐妻年二十五而孀遺二孤俱幼吳秉節撫孤俱成立一子傳芳補諸生知縣吳應隆檄免侍丁一人

孫氏霍強妻強卒遺一孤生甫三日時孫年二十

五守節四十餘年撫子盈科成立知縣吳應隆
憐其苦節復其徭役

秦氏張文表妻年二十六夫故子從敬甫五歲秦
撫孤守節誓不再醮壽六十餘

駱氏馮高妻年十八高卒遺一子甫及週駱撫孤
守節備盡艱苦或以輕塵弱草欲奪其志輒詈
之曰爾欲我更二夫想爾有此心也勸者大慚
守節四十七年子巨卿爲諸生

栗氏張文相妻年二十二文相卒遺雙生二孤族

任縣志

卷之七

十七

人欲奪其志栗抱孤泣曰我爲死者撫孤忍此
孤無所歸殆無人心者矣自是人不敢言壽七
十餘

張氏杜宗魁妻生一子甫三歲宗魁卒父母憐其
少微諷之張泣且誓曰命之不淑中道失天
煢弱息不絕不綫如有二心犬豕不食吾餘
乃屏去華飾非大故不出閨闕苦節六十餘年
壽逾八旬

李氏吉尚萬妻嫁七月尚萬卒李欲殉姑勸之曰

念有妊吉氏不可無嗣李感悟而止踰四月生
一子名佐李撫之守節四十餘年子成立知縣
吳應隆復其徭役

李氏韓廷憲妻生一子而廷憲卒年方十九艱苦
備常并日而食數十年壽七十餘

王氏韓世英妻世英早卒王時年十九邑人有欲
娶之者卽怒斥之堅守苦節四十餘年撫子成
立

秦氏舉人霍玉妻玉卒秦年方十九生一子未週

秦撫之比成立娶妻生 孫而子復卒秦又撫
之壽七十餘

李氏年十七適郭文政三載而文政卒遺一子永
實甫三月李號泣欲自縊家人覺之互相防守
勸之曰汝殉夫死于義得矣倘兒失恃文政祀
不斬乎李感悟而止勤紡績以奉姑輟口腹以
教子壽七十七而終子爲諸生

趙氏陳景臯妻住縣南甘泉寨正德間遇流寇被
掠趙義不受辱投井中賊避井旁軀鄉民救之

比出見賊復投井賊怒下石斃之知縣陳璣咏
以詩

孟氏年十六爲張伯學妻家甚貧甫十月而伯學
卒越三日生一子舅姑以家貧且憐其艾欲嫁
之已受張氏聘孟抱孤號泣避居母家七年孤
八歲始歸壽六十八子得成立伯學祀賴以不
絕

吳氏李如林妻年十九而夫亡遺一子新芳尚未
週吳撫之飲冰茹蘗四十一年人無閒言壽六

任縣志

卷之七

十九

十餘

王氏年十七適馬之驥甫六載而夫卒遺二孤俱
幼家貧荼苦萬狀霜節不渝二孤旣長家業漸
裕一子文秀爲諸生

駱氏生員霍可久妻年二十可久亡惟遺一幼女
駱求死以殉不飲食者數日母袁氏亦孀居苦
勸得不死以貞自誓塋夫於臥側與塋爲侶者
二十餘年

趙氏都憲孔昭女適太學生杜偉偉二十有一得

痼疾不可治將革趙先自縊于暗室欲使偉不慮其後也婢覺救之既甦深咎救者無何偉絕趙求死益堅舅姑素憐其孝益人守之趙泣訴曰殉一時之節易守終身之節難遂不食而死奉

旨建坊旌表士大夫爭挽以詩

陳氏霍原妻年三十未有子陳以原早孤恐嗣息遲爲納妾王氏逮以恩禮連得三子孝廉玉其長子也陳撫之如已出比玉成立尚不知爲王

任縣志

卷之七

二十

所生鄉里皆賢之

李氏毛鋹妻鋹卒遺度子洵方數歲李視如已出不分嫡庶曲盡撫養既長教以義方捐金以拜官待洵生母劉氏如鋹在日與之相終始云

謝氏諸生宋普繼室也生子國光未三月而普卒謝時年二十有三欲以身殉念撫孤爲重遂堅忍守貞擇師教子迨國光游上庠謝始易簀江南周南爲作墓志銘

劉氏生員應徵女許字生員李廷高子日茂未嫁

而日茂病故劉時年十七往視殮成服痛哭幾絕既歸取服飾盡焚之母知其有死心令媒媪動以豪門劉持刀逐之乃謝母曰善撫二弟兒不孝不能侍左右矣自縊而死士人爭爲詩文挽之萬曆間奉 旨令合葬建坊旌之仍立祠歲時致祀焉

張氏州司馬維藩女適生員謝卿晉秉性貞淑二十二而寡子女皆無以節自勵孝于舅姑和于妯娌直指使者屢旌之今壽七十有九

任縣志

卷之七

二十一

霍氏生員苗滋妻滋年二十有二卽病故無子僅遺一女霍欲身殉家人覺而救之得不死霍念夫不可無嗣乃立諸子來王以繼宗祧舅姑有疾湯藥必嘗以進撫幼叔如子皆成立遇歲饑人相食或有諷之改搯以圖存者霍絕食幾死終無二志康熙六年奉

旨建坊旌之

吳氏生員純粹女年十七適謝欽三載欽病故遺一子之寧方二歲父母舅姑憐其少咸欲嫁之

吳截髮指天自誓不他適遇歲饑人相食吳半菽不飽志益堅上事舅姑下撫幼子備茹荼苦未嘗愠形于色教子之寧早歲成名康熙六年奉

旨旌曰霜節承恩

毛氏鄉民霍爾秀妻年二十九而秀卒遺二子歲大饑死者相藉父母及姑皆迫之改嫁吳誓死弗從慮二子不能並存鬻其一以養姑留其一以奉祀今壽七十有五

任縣志

卷之七

二十一

劉氏生員張振聲妻振聲早卒劉年二十有九遺子四方四維皆在襁褓中遇歲饑劉仰事俯育皆取給織紉擇師教子成名今齒六十有九

介 論人品者斤事必讓古人表揚必歸顯者非也吾人苟能立身修行無忝所生安見我不古人而牛醫兒不青史哉至于婦人先德搯文姬雖博學多才終當讓共姜首座不然李易安魚玄機可作閨中模範矣

吳截髮指天自誓不他適遇歲饑人相食吳半菽不飽志益堅上事舅姑下撫幼子備茹荼苦未嘗愠形于色教子之寧早歲成名康熙六年奉

旨旌曰霜節承恩

毛氏鄉民霍爾秀妻年二十九而秀卒遺二子歲大饑死者相藉父母及姑皆迫之改嫁吳誓死弗從慮二子不能並存鬻其一以養姑留其一以奉祀今壽七十有五

任縣志

卷之七

二十一

劉氏生員張振聲妻振聲早卒劉年二十有九遺子四方四維皆在襁褓中遇歲饑劉仰事俯育皆取給于織紉擇師教子皆成名今齒六十有九

馮氏生員孫錮妻錮以文行重當時崇禎間遭兵變錮以二子囑馮氏曰我爲朝廷士子有死而已汝力保之以綿宗祀馮乃剔目剪髮作乞者狀自全撫孤將地畝分給族人之貧乏者止留百畝以教子年五十有九卒子觀光爲諸生

杜氏民人董秀妻生子胤昌未暮而秀故杜時年
僅二十有二家貧子幼萬無全理父母舅姑交
勸之改節杜斷二指自矢今壽六十有二撫子
若孫皆成立

蘓氏民人孟粹妻三十一歲而粹卒子女俱無姑
與母皆勸之改字蘓對曰夫婦情重不問子之
有無也艱苦備嘗節操愈勵教姪孟振世讀書
今爲諸生尤人所難今壽六十有九

韓氏民人張文燦妻相夫以孝敬稱崇禎十七年

其夫爲流寇所殺韓念撫孤爲重欲棄家去隣
人阻之弗從乘夜埋夫挈子土琪匿中原山及
寇退旋里比隣死鋒刃者甚衆貲財與韓俱蕩
然矣人皆服其有識今壽七十有四備嘗艱苦
子孫蕃衍使非韓先見則文燦不祀矣

王氏生員劉翼聖妻年二十五翼聖見背遺子鑲
甫六齡家徒四壁時或甑塵王上事耄姑下訓
幼子皆出自紡績比子成立教以義方不少假
借儼若慈父今鑲爲諸生

呂氏生員程錄妻年二十五錄亡無子舅姑皆勸
之改節呂誓死不從撫姪憲教之成名爲諸生
孟氏民人杜江妻江早亡遺四子孟矢節撫之無
何夫弟杜水又故妻改適遺子望在襁褓中子
然無依孟不忍水絕祀子姪不能俱存乃鬻二
子而撫之上臺皆旌其貞淑

張氏姜雲龍妻善事舅姑戚族以賢稱年二十雲龍卒無子女堅志自矢撫幼侄爲己子備歷艱苦未嘗有難色侄士僕生孫成立壽五十二而終知縣張有光旌之曰芳傳栢節

季芷曰論人品者凡事必讓古人表楊必歸顯者非也吾人苟能立身修行無忝所生安見我不古人而 醫兒不青史哉至於婦人尤先德操文姬雖博學多才終當讓共姜首坐不然李易安魚玄機可作閨中模範矣

任縣志

卷之七

二十四

仙釋

寒山拾得俱修煉于縣之東鄉因名其村曰雙蓬頭

方技 缺

季芷曰論人品者凡事必讓古人表揚必歸顯者非也吾人苟能立身修行無忝所生安見我不古人而牛醫兒不青史哉至于婦人尤先德
搯文姬雖博學多才終當讓共姜首座不然李
易安魚玄機可作閨中模範矣

仙釋

寒山拾得俱修煉于縣之東鄉因名其村曰雙蓬

頭

方技 缺

補遺

武定元生員武國幹父從事行間隨征太行山及河南諸寇皆有功題授千總後舉爲城守萑苻無竊發者

姜占鰲撫標材官隨總戎勦西山流寇盧爲賊所迫墜鞍鰲掖之上馬得脫鰲爲賊所害

聶讀夙有膽畧充東鄉總練土寇唐敬吾作亂讀密謀于趙侯祥星乘夜搗之賊窮縱火讀冒火擒之寇遂平